

四庫禁燬書叢刊編纂委員會

北京出版社

四庫禁燬書叢刊

補編

四庫禁燬書叢刊編纂委員會

北京出版社

四庫禁燬書叢刊

補編

圖書在版編目(CIP)數據

四庫禁毀書叢刊補編 / 《四庫禁毀書叢刊》編纂委員會編. —北京:北京出版社,2005

ISBN 7-200-06020-8

I. 四… II. 四… III. 叢書—中國—古代
IV. Z121.7

中國版本圖書館 CIP 數據核字(2005)第 029768 號

責任編輯:楊良志

四庫禁毀書叢刊補編

《四庫禁毀書叢刊》編纂委員會 編

北京出版社出版

北京北三環中路六號

郵政編碼: 100011

北京出版社出版集團總發行

新華書店經銷

北京市白帆印務有限公司印製

開本: 787×1092毫米 1/16

印張: 四〇〇八·七五印張

二〇〇五年八月第一版第一次印刷

印數: 1—2000套

書號: ISBN 7-200-06020-8 / K·655

定價: 人民幣伍萬肆仟圓

ISBN 7-200-06020-8



9 797200 060200

補編第六四冊目次

馮元成選集八十三卷(四)

〔明〕馮時可撰
明刻本

..... 一

蒼霞草詩八卷

〔明〕葉向高撰
明萬曆天啓間遞刻本

..... 四九五

後繪扉尺牘十卷

〔明〕葉向高撰
明萬曆天啓間遞刻本

..... 五九一

馮元成選集八十三卷(四)

〔明〕馮時可撰

明刻本

上海圖書館藏

吳郡馮時可元成甫考

談行

馮氏之先自江夏分居華亭祠鄉平湖國初平
 江南徙一枝編伍滇南其後改金陵高祖毅菴
 公仲文再徙華亭北圩塘為里中弟子都授倦
 倦以忠孝教人曾祖存朴公名海者移居合掌
 橋存朴事母浦至孝出入必長揖雖跬步亦必
 然毋年八旬日具滌灑要比鄰莫毋同啜浦疾
 馮元成選集 卷六十九 一

篤夜叩斗未代竟夕不寢日嘗糞以下迄半載
 乃瘡卒以勞劇邁疾至大漸口呼毋三日不絕
 聲埋入私謚曰苦孝先生祖時齋公名達娶吳
 孺人時祖姑浦與姑胡俱在堂夫婦竭力供養
 值歲儉斗米百文時齋日負米數里外吳孺人
 蚤夜績紵助之姑老而痺孺人負抱不離側齒
 落不能食日咀黍南飼之延三載乃終臨沒嘆
 曰小新婦孝愛願生好孫報汝時齋公既喪父
 徙居楓涇弘治辛亥生先廷尉未暮出抱示節

翁曰此孩當亢我宗者稍長日以忠廉訓之

同弟遠舟過斜塘水發觸舟遠溺時齋公

援之岸者呼曰有崇勿投時齋公不顧沒水久

之弗克援偶漁者救得免撲泣曰斲我手足矣

嘔血數升竟以是致疾不起時齋公沒後先廷

尉應踐更家旁落避寓嘉善莊基村力耕養母

毋病思食雉先廷尉覓于市不得沿村而哭忽

有雉飛入懷携勇歸烹以進毋毋病良已遂徙金

陵居於學宮嘉清丙戌登進士授行人擢南京

馮元成選集 卷六十九 二

浙江道監察御史壬辰星變極論輔臣太宰

上震怒逮繫金吾擬重辟吳孺人至燕擊登聞

鼓上疏救子伯兄行可刺臂血求代 上惻然

憐之乙未謫成嶺南居數載遇赦放歸日就子

舍養吳孺人至年九十五而終先君為孺子泣

幾滅性方孺人在時當元夕必張燈火春仲飲

初或奉以遊武林西湖經月始返吳孺人既沒

其後逢元夕一燈不設終身未嘗登眺蓋

伯存朴公以至京兆伯兄凡四世皆以篤孝著

而先廷尉又以故著先廷尉高峻博太
秦儀如涉北海營諸子曰士大夫要名立
之心與圖利擇便之心一也我則惟知有君親
耳不知名不知利以此傳汝曹蓋本毅菴公之
遺教也

割股之孝雖非中道然以此瘡療者甚多蓋真
誠之極神明感格非不能愈疾也聞諸長老言
肉脫有聲則疾必愈其割處不痛亦不腐微痛
者僅延歲月甚痛者無效余有傭者周怡事余

馮元成選集

卷六十九

三

五

甚謹余用為紀綱未幾以縱飲忤客又好賭不
節遂斥之顧其事毋至孝毋得疾數月不解帶
毋垂絕割股以進有頃復蘇又連月而毋卒事
其兄亦甚備所積傭直盡以助兄娶婦不私一
錢里父老善之欲舉於官怡聞避去曰我豈以
苦肉計博孝名哉余知其事以錢帛周之比至
錫穴復求自效然其好飲與賭如故也慰遣之
去將行夢有白頭人語曰若無賴不見用於
此是當然汝此去某日且有水厄數當殞命為

汝有善念特來護汝無虞也歸且得子行
告余識之其後至大江果以其日遭風舟
者屢矣卒得脫歸逾年而生子嗟乎人之短長
係性與習不能移也然以無賴傭者一有善行
感格神明遂能却禍致福天道至公不遺下賤
如此故知災星之退舍於一言不誣也

李養愚撫蕪松十郡以憲副遷蓋異數也先是
撫吾地者用不給則藉餉公既任即以兵餉藉
屬兵使者司其出納絕不沾染毫釐凡百交際
馮元成選集
卷六十九
四

取諸額設公用亦絕不涉贖錢蘇郡有司曾具
牘請為申王二相國樹坊計費以千金公批致
之曰歲不稔未遑也公自兵使者至中丞在
幾五年所御惟一冠一袷一布被終其任不
衡齋蕭然未嘗輕宴一客亦未嘗赴客宴士夫
郡邑絕無敢以一果一菜交者郭相奎嘗言今
天下稱清德者不乏而內外始終一致則惟
中丞與彭方伯為之領袖彭方伯者彭公
也公名涑贛州人先是公為觀察時釐析

立舍聞府逮以小艇走遠郊而使人持惡金一
鑲勞伍伯諸伍伯不稱意與其使相毆使亦逃
去惟空舍耳諸伍伯計得一鑲不足潤妻子恐
他日反為所魚肉乃皆自斃其面裂其裳泣訴
諸守且謂光祿倚勢詈官人為小吏不能當我
宰相奴隸守怒乘夜命幕職往逮諸伍伯又令
人詐為光祿僕擊敗其面毀其車以復守守愈
怒又遣一幕亦然乃請於中丞而中丞捕檄亦
下矣次日申孝廉與李孝廉親送光祿并其黨
至府謝無狀守更猶豫諸吏咸跽告守今成騎
虎勢不能下矣不若痛懲之俾相公不能報守
未決錮光祿於土地祠至暮令人保出之居數
日爰書成其黨皆杖光祿以不應薄罰呈於中
丞中丞恚曰此輩恣行劫奪實虎而冠者奈何
僅以杖罰惡在其為三尺竟次第成配其黨而
光祿亦褫職為城旦檄下府守得之不發房佯
語諸吏曰吾欲盡法懲光祿而中丞欲貫之奈
柱後惠文何吾且掛冠去矣即命治裝一城人

馮元成選集

卷六九

二

何仲

聞之咸謂守有風力而不知中丞之加重也
數日守度中丞檄不能久遏乃又佯言於人曰
吾日者連有揭以去就爭此事中丞不得已如
吾請若輩皆遣且配矣檄發中外大快稱守神
明終不知出中丞之意其後有城工羨金五千
緡諸吏乾沒而守不察比覈之展轉支吾如故
中丞不得已踈於朝謂守藏藉不明士民見守
被劾不曉何故或譁中丞為光祿報仇以媚寵
朝士從而和之守雖量移而中丞亦予告還矣
時郡中諸士夫德守者多咸指管登之以為鬼
神其間不知人臣職守莫重於錢穀錢至數千
緡為吏侵漁寧能溺其職而不舉此豈登之所
能懲通者蓋予謁中丞親見駁狀頗曉其始末
諸公皆得之道聽宜其未悉也中丞與守皆為
廉吏懸衡以談則率真用術殊科獨怪中丞為
吳民議經賦議蠲賦汰冗斥浮所為百世利者
無限而守以一事攘其德又誣以過甚矣世人之愚也

馮元成選集

卷六九

八

何仲

高行錄記杜五郎者陽翟人所居二廛去縣三十里屋前地方丈籬藩焉杜足不越籬三十餘年黎陽尉孫軫訪之問何以不出曰隱者當如是耳問何以爲資釜計曰往有負郭五十畝與兄同耕兄子娶婦度不足贍併歸之兄而推其妻子賃此屋居之賣藥誅日以備饘粥初亦時不繼子既壯能耕鄉人使耕田三十畝有餘力又爲人傭自此食足念不當兼利遂廢擇日賣藥終日束手端坐耳軫嗟歎而去偶與汝照談此

馮元成選集

卷六九

九

流哉

王公省菴諱繼明東甌永嘉人初以議獄不狗

中丞胡禰意禰故江陵客極力排之遂至左遷其後兩守潤州襄陽所至爲民興利除害甚得民譽於脂膏絕無所染今以憂歸家徒壁立居不殺風雨其爲人同不失正異不傷物真篤行君子也

馮元成選集

卷六九

十

惡能美倫惡得悖

曾子固事繼母甚孝謁饘粥之養四弟九妹宦學婚嫁皆其力人有所長獎勵成就如弗及守福州舊有園蔬錢三四十萬棄勿取荆舒當事勢力能偃舉世之人從之而不少屈其人如此乃評者謂行誼不如政事政事不如文章則媚者詞也

世道之衰匪特士大夫無先輩典刑即布衣輩亦風致亦與前人遠矣余先君有友錢汝流

峯先生少同學相善先君既拜御史錢先生
來宦邸至經歲語不及私其後先君家居錢先
生貧甚每移之粟帛不却第取用而止過厚則
必辭終三十年未嘗居間一事也既沒而家徒
壁立先君為殯斂之又有謝簡者字一默先君
延為館師誨余兄弟三人歲餽米三十斛先生
晨而入館三商而歸五年如一日未嘗他適自
束脩外即一縑一錢亦固却不受督學王公某
與先人善有謀入庠者以五十金為先生壽丐

淵存成選集

卷五十九

十一

四

主人一言先生曰主人不鄙夷我而以子師我
我當以道義為之範刑奈何營營阿堵示之佻
薄耶其人慙而去又有張永思者少失父與母
居毋守節數十年至九十矣永思亦年七十餘
定省如兒時每當酒筵常辭不赴間至亦僅嘗
一味曰此皆毋所未啖余何忍食先君覺其意
每召公必更設一席以遺其母公僅受數味堪
以養老者俟毋既食而後至夜則置褥毋榻下
聞警歛則蹶然起視未嘗一夕入內也有司

有與公厚者遺之粟則拜而受遺以金川
或說之此豈受者但足餬其口寧足實橐
有不傷於義者居間可也公曰此非但僕所耻
為亦老母所羞聞終其身竟無干謁是三公者
皆先君友也先君沒後三十年不肖輩所交布衣
不少曾有三公風度否時俗益偷若此余嘗欲
為獨行傳傳三公不能記其詳漫書于冊以志

慨

王昭明先生者畀江人潛心聖學非禮勿動曾

淵存成選集

卷六十九

十二

與羅念菴先生遊又嘗客盱江與南城鄧公元
錫居數月其所為六經說多發前人所未發惜
既沒而子孫貧甚不能存其書管公志道與周
生道甫各得其一二皆以為帳中之秘未嘗示
人即今鄧南城所著易緯等書大半取其語又
吳縣王少湖先生行誼無媿顏閱其於學宗朱
紫陽然人亦罕有知者晚歲袁宗伯洪愈薦諸
朝詔授國子博士年垂八十矣嘗與周道甫語
王先生皆大賢也然姓名不出里閭而沈石

田王雅宜輩以字畫之技傳聞四遠甚矣末世好德者之鮮也然余見二先生真所謂聲為律身為度見善如不及見不善如探湯使在孔門當不後於十哲知不知乃其所遭也子思不云乎君子依乎中庸遯世不見知而不悔聖賢固不求人知也道甫又與子言弇州四部不如少湖數語余曰豈惟是哉老杜詩千百篇寧如武公抑戒賓筵二篇學者亦何必誇多鬪靡為

毛氏者崑山人父為別駕富於財以女歸侍郎

馮元成選集 卷六九 一三

周廣之子周士淹士淹舉明經承家業又得毛氏資鉅萬豪里中然士淹嘗從魏莊渠先生講學言動造次一依乎禮不為貴介態也毛氏歸周夫妻朝夕相敬如賓又善治生業日益拓年三十餘無子語周曰吾聞古人娶婦取宜子者今其奉巾幘久未有一綫之息以為君憂胡不納副室以廣胤嗣周初不可曰命也吾當有胤一夔足矣毛強之出數百鏹納二姬以進其夫居歲餘未有子又謂周曰語不云乎田廣多穀

女廣多子盍再求窈窕乎又市四姬以進八共七人矣副筭步搖之飾嫡庶無二每飯則合六人同侍其夫飯已則挈之同遊後園已復曰毋已太康令之各事所業或刺繡或織布身與同作良久曰若且倦矣且更遊息夜則貫魚以當夕不獨專也士淹偕計卒於途竟無子毛氏以禮遣六妾各贈百金而去曰彼以好來宜以好往無為先夫羞諾妾既嫁乃立其伯子為嗣閉門獨處足不履地以終其身歸子遇嘗與余

馮元成選集 卷六九 一四

記端午前一日漫書於署
吾郡文待詔先生年九十生平無二色比部錢公有威亦然公與其室宜人今皆踰七十矣公生平目未嘗視季女宜人一日進二婢以嘗公公蹶然曰女三為黎康公且不敢當况區區耶亟去無益人罪過沈士能嘗與予語錢公與管登之皆信佛然錢公此事真能信佛者也余生平食不二味用無長物然所謂不二色者則安

能如待詔比部哉

趙子固本宋宗室入元不樂仕進隱居鹽官廣
陳鎮有一舟琴書尊杓畢具往往泊蓼汀葦岸
著夕陽賦曉月為事嘗到縣縣令宣城梅黻到
船謁公公飛棹而去梅佇立岸上言曰昔人所
謂名可聞而身不可見殆謂先生歟公從弟子
昂自茗中來訪公閉門不納夫人勸之始令從
後門入坐定第問弁山竺澤近來佳否子昂云
佳公曰弟柰山澤佳何子昂慚退公便令蒼頭

澗元成選集

卷六九

一五

倫

濯其坐具蓋惡其臣元也雖然胡元入主中國
統有宇內食土之毛孰非王臣藉令生斯時而
欲高不仕之節則君臣之一倫廢矣惟子昂為
宋宗室覲面仕仇斯有可議然既為從弟何必
固絕既已留款何必濯坐此殆好名之過非至
行也

姚椿壽字大年桐鄉人幼機敏不習羣兒弄長
年姿偉特讀書輒了大義家本世宦有餘貲
樂育館歲聘海內名師儒教里中兒椿與人交

見底裏義利曲直必為分明鄉隣有爭者不直
有司得椿一言即解去每歲饑輒出貲周人急
稱貸不能償即焚券創世濟橋岷溪上橋置亭
歲五六月施茗飲餽粥於行者橋西松篁萬計
築高名深靜又構層屋曰松麓賢士夫往來必
延發其中觴詠咲談至忘朝夕邦大夫經桐廬
皆枉道過門以處士禮禮之邑侯周在達都等
皆嘗問政椿鑿鑿談吐民便其言者甚眾椿沒
而楊鐵崖為之志陸平泉嘗稱其人可入獨行
澗元成選集

卷六九

十六

倫

傳平泉又言沈石田亦類此石田至行甚篤與
文待詔惜皆為藝所掩即世有知者又以其藝
孔子欲于射御間成名藝亦胡可廢

張賔字思齊鄆道安里人家世業農公自少石
磊有氣節嘗讀書里塾既乃棄去躬稼縉久之
年瀕三十矣為里中人所困公氣霍霍不能堪
拊几歎曰嗟乎群小侮我齊民耳不學何為復
反舊習讀之尋入為學宮弟子永樂乙酉舉鄉
澗元成選集

曾試不第謁選授吏部司務存陟驗封

司郎中在部剛廉自持權貴不避關節不通
友餽遺一無所取部中呼為板張起拜山西
布政使長子紀徒步入太原道過曲沃曲沃令
鬼其良苦以一驢送之既見公公怪其跨驢也
詰之曰奚從得此紀不敢隱其實對公怒痛箠
紀還令驢仍正其罪云方卧病時語其二子曰
身後毋納賻傷我節毋作誌表虛譽失我真毋
聽人言作石獸器物侵我墓

太僕卿黃正色字士尚號斗南無錫人登進士

馮元成選集

卷六元

十七

永

曾令南海百姓稱神明南海霍文敏為先生座
師霍氏有違禁一繩以法諸霍氏訴之霍文敏
文敏以為賄時直指使者尚苛政徃徃故入人
罪先屢從末減及復命乃首薦擢為南臺御
史首論兵部尚書張瓚武定侯郭勳士論避之
值章聖皇太后梓宮道承天護從荆山侯崔
元巨璫鮑忠禮書溫仁和怙寵驕貨先生疏列
不法狀下 詔獄幾不免賴文敏公力救得成
遼東居遼幾三十年隆慶初詔復原官擢大理

丞以南太僕卿致仕歸僑寓城南環堵蕭
疎自遠顯要求見者一切謝絕之錫山人道公
下詔獄時有饋公金者公曰我罪人耳 主上
所罪為臣子者從而賂之是為逆 主吾受之
亦豈引罪之意卒謝却其後居遼一切撫按司
道饋遺俱不納令家居種菜織屨自給既歸林
下一切監司郡邑皆不識面曰吾為 今上擢
用于 先帝尚稱罪人敢借寵當道舞車鄉里
哉其雅尚如此

馮元成選集

卷六元

一八

永

樊侍御玉衡云關西李漸菴素負時譽乃官至
臺長其家富甲一郡余甚不服其人以為寧有
事封殖而稱君子者哉後遇陳太宰心毅于道
中談及李云此公亦所謂腰纏跨鶴者嘗語予
云士大夫辭受亦當揆情酌誼如同鄉同年同
寅之禮必不可不受門生故吏親戚之禮亦不
可不受舍此便當峻却然吾輩仕宦官至八座
歷數十年其為門生故吏輩且徧天下若如所
云其不受亦無幾矣後察此公事更有出於所

聞外者衡又遇陸太宰五臺曰貴衙門諸公指
摘不肖結中官田義顧不肖於田實無往來惟
是李漸菴嘗謂予吾輩官至于此不可無人
主上之側挈余致幣余力以為不可李竟私將
余名並列一刺而致諸田迨田以書來謝余始
知之余實告其使云人臣義不敢私交不佞於
若主風馬不接敢以玄黃相瀆田頗不悅以後
卑有所請于吏部皆李為居間陳陸二公其人
辨謂霜臺籠日其言必不妄吾以是知虛名之

難信

莫中江先生素以清謹稱然多顧忌每訪客出
遊必選時日察方向而後往曾使人于某官歸
問其僕曰某官何言曰問吾主幾子小人對有
九子公色不悅已而曰若如此恐彼以吾為多
慾倘問後庭幾人亦可實對乎生平救車緼袍
自貴陽學政謝事家居十六年未嘗居間一事
初登甲科即選禮部不四年即擢憲副督學貴
陽以道遠不赴其後再起不三年

卷之九

一九

賈

能早起為浙右史時左史已陞堂畢事而公
起兩臺叅謁率皆後時居無幾有物色公者
致事歸方公未起時有薦公子華亭者同鄉范
祠部惟丕力阻之及既歸有薦諸江陵者江陵
自此老拘曲無實用譬諸偽古彛鼎徒飾耳目
不能烹享遂置不用然公于名位亦不甚急嘗
誦唐人亦知世上公卿貴且養山中草木年之
詠竟以高壽終

必司馬蔡公汝賢自為孝廉時喪偶不復娶終
身獨居與兵部郎曹銑尚寶陳懿德善銑得關
節以授汝賢並成戊辰進士授大名府推官時
同年姚江張堯年為真定推官才望聲章為諸
理官最至八薦公黥默自如竟無推轂尚寶為
言高相公相公語門生某使者方得一薦召入

卷之九

二十

兵科給事中堯年僅補兵部主事而曹銑亦拜
駕部公德銑與懿德甚凡受餽遺不啟封悉付
銑間以寄遺懿德居邸中僮僕二三人蕭然如
貧曹清望蔚起時江陵惡工部尚書朱衡其人

部尚書李幼滋晚酌語李曰朱鎮山老奸
皆為籠絡誰能測其隱者中書郎喬承華結江
陵僕尤七聞斯語二更走扣公門公已寢起問
何故喬曰相公云云公能論朱必京堂矣公謝
曰勅人媚人豈丈夫事喬乃詣林給事林亟燃
燭草疏明日持謁江陵江陵大喜先是林推念
憲吏部以單送相公既定矣是日即有啟及太
宰令無出林父之林遂以禮科都諫陞太常而
公出叅蜀矣公為藩臬每事起核人多怨望其

馮元成選集

卷六

二十一

在浙則減兵糧之議實公所條公遷粵而浙兵
變至縛吳中丞善言至教場辱之輿論以公為
首禍已丑大計臺諫皆有單指公時張鼎思為
吏科都給事中問申相公相公曰姑舍是令自
盡可爾及河南道與相公議定亦如前言而公
故善同年選君張汝霖覲畢公走別張曰聞相
公與臺省欲令不肖自盡且當具疏乎張曰毋
然相公易與耳吏科河南道皆習余稍旬日余
以中丞薦史料彼皆無能為也夫繼果遷廣西

巡撫擢少司馬會有論其多用梧餉乃罷此
治官真如農力田士勤學登仕後未嘗還里
罷人謂公必且咄咄書空難久生矣未幾卒公
筮仕以清名及居鄉貳資頗厚然好行其德既
歸舍凡三族之親一面之識無不存問饑者饗
寒者襦喪者槨無配者受采無居者受廛讀無
資者受膏火有族孀貧甚居城外草舍公物色
得之造其居偃而入其家無床無榻公坐于地
勞苦生平問其二子安在曰方為賣菜傭未幾

馮元成選集

卷六

二十二

各肩負而至公令並坐即使人以肩輿迎孀卷
之西第朝夕糞食其二弟皆授田五十畝銀百
錠今雲間推承德者皆首公
王忠肅公鞠其治訟專行贖罪法雖人命亦然
曰償命無益死者之家而財或足以濟其用故
行之不疑有指揮孫璟者因漏關鞭戍卒至死
其妻女相繼死他卒被鞭者訴璟殺一家三人
公判曰卒死以罪妻女死于夫非殺也其令
贖奠埋費璟後為將有名非公優容不及此公

于治盜賊亦然其言穢厥渠魁脅從因治此三代之法今不分首從豈平法哉凡所至遇盜劫只取一兩名成獄其餘皆責而遣之然盜賊更因是稀少古人云獄訟繁興盜賊滋多信哉公嘗疾甚見有神人語曰公治獄平多陰德且為延年矣即汗出霍然愈

沈霽字子公號東海老人時遂稱東老幼有異質錢文通至其家撫其首戲曰孰謂書生能作對公隨應曰焉知小子會吟詩文通嘆曰梁棟

馮元成選集

卷之九

二一三

才也太常夏止軒寅一見器之以女妻焉後止軒疾篤遺言沈霽非凡器東樓書俱分與之必能讀也舉正德辛未進士授行人即上疏指摘佞幸不報乙亥擢南畿御史時宸濠將謀不軌公屢疏抗言乞劾大義除大逆以安社稷竟留中不報屢人朱彬誘上遊幸公疏懇回鑾乞斬彬以謝天下皆不報世宗初御極復條對數千言切中時務遷福建海道副使鎮守中官得危疾餘貲分遺三司公獨不受有士夫

詭以銀幣饋公公曰我知君君何不知我去時有簡御史移文海道凡市番船隻每百兩公曰此擄掠計耳吾不為也簡銜之効公才力不足改貴州兵備臨行僅行李一肩至貴有夷寇據山為逆公計擒之撫按交章薦時公年近七十遂引疾乞休廟堂知其人陞右叅政職銜致仕居家十七餘年未嘗一入郡邑日惟潛玩闔洛遺書暇則或吟咏或攻書以卒歲有司豎冰清玉潔二坊表其門

馮元成選集

卷之九

二一四

董隱君名懷字世德別號三岡居士董氏上海望族先世雄長里中至御史公而益大御史公生子六長曰恢次曰怡大理寺少卿曰忱肇慶守曰懌綿州守其五即隱君最幼曰愉隱君生甫冠御史公謝世隱君能自奮嘗受經同郡宋瑛先生所先宋罷工部郎家居經學專門四方從遊者丙舍常滿隱君學二年許不肯竟學先生見隱君資性秀穎歸隱君女勸隱君竟學隱君遂竟學學既成輒棄去歎曰吾兄既已用之